

**Razvojna banka Federacije  
Bosne i Hercegovine  
Predsjednik Uprave**

Broj: 3389-III/26  
Sarajevo, 27.03.2026. godine

Na osnovu člana 20. Statuta Razvojne banke Federacije Bosne i Hercegovine, člana 22. Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine, Pravilnika o izmjeni Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 1534-II/25 od 10.02.2025. godine, a u vezi odredbi člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14, 59/22 i 50/24) i preporuke Komisije za nabavke iz Zapisnika o pregledu i ocjeni ponuda broj: 3372-XII/26 od 26.03.2026. godine, Predsjednik Uprave donosi

**ODLUKU**

**o izboru najpovoljnijeg ponuđača u postupku javne nabavke usluga savjetovanja i tehničke podrške u održavanju informacionog sistema za potrebe Razvojne banke Federacije BiH**

**Član 1.**

Prihvata se preporuka Komisije za nabavke iz Zapisnika o pregledu i ocjeni ponuda broj: 3372-XII/26 od 26.03.2026. godine i Okvirni sporazum za nabavku usluga savjetovanja i tehničke podrške u održavanju informacionog sistema za potrebe Razvojne banke Federacije BiH dodjeljuje se ponuđaču „MIBO KOMUNIKACIJE“ d.o.o. Sarajevo, ul. Tvornička br. 3, 71210 Ilidža, kao najpovoljnijem ponuđaču u otvorenom postupku javne nabavke.

**Član 2.**

Ukupna ponuđena cijena Okvirnog sporazuma iz člana 1. ove Odluke, iznosi 82.000,00 KM bez PDV-a, što u konačnici, s uračunatim PDV-om, iznosi 95.940,00 KM.

**Član 3.**

Po okončanju roka za žalbu, Ugovorni organ će s izabranim ponuđačem zaključiti okvirni sporazum na period od 24 (dvadesetčetiri) mjeseca, u skladu sa uslovima i kriterijima utvrđenim u obavještenju o nabavci i tenderskoj dokumentaciji.

**Član 4.**

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu Odluku na svojoj web stranici [www.rbfbih.ba](http://www.rbfbih.ba), istovremeno s upućivanjem iste ponuđaču koji je sudjelovao u ovom postupku.

**Član 5.**

Ova Odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

**OBRAZLOŽENJE**

Odlukom broj 2014-III/26 od 24.02.2026. godine, pokrenut je postupak javne nabavke usluga savjetovanja i tehničke podrške u održavanju informacionog sistema za potrebe Razvojne banke Federacije BiH.

Javna nabavka je provedena putem otvorenog postupka javne nabavke, a kriterij za dodjelu ugovora je najniža cijena.

Obavještenje o nabavci predmetnih usluga objavljeno je na Portalu javnih nabavki dana 26.02.2026. godine, broj obavještenja: 1011-1-2-47-3-38/26, a sažetak Obavještenja o nabavci u „Službenom glasniku BiH“ broj 18/26 od 06.03.2026. godine.

Tenderska dokumentacija objavljena je zajedno sa navedenim obavještenjem na Portalu javnih nabavki.

Odlukom v.d. Predsjednika Uprave Razvojne banke Federacije BiH, broj: 1763-III/25 od 14.02.2025. godine, Odlukom o izmjeni Odluke o imenovanju Komisije za nabavke Razvojne banke Federacije BiH broj 7310-III/25 od 30.06.2025. godine i Odlukom o izmjeni Odluke o imenovanju Komisije za nabavke Razvojne banke Federacije BiH broj 8818-III/25 od 12.08.2025. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za nabavke u okviru svojih nadležnosti i ovlaštenja je provela predmetni postupak nabavke, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda u kojem je utvrđeno da je pravovremeno pristigla 1 (jedna) ponuda ponuđača „MIBO KOMUNIKACIJE“ d.o.o. Sarajevo, ul. Tvornička br. 3, 71210 Ilidža.

Na osnovu izvršene analize i ocjene pristigle ponude, Komisija za nabavke je utvrdila da je pristigla ponuda ponuđača prihvatljiva.

S obzirom da je tačkom 22. tenderske dokumentacije predviđeno zakazivanje e-aukcije, a da je dostavljena samo jedna prihvatljiva ponuda, imajući u vidu član 4. stav (2) Pravilnika o uslovima i načinu korištenja e-aukcije ( „Službeni glasnik BiH“, broj: 80/23), e-aukcija se nije mogla zakazati.

U postupku donošenja ove Odluke posebno su cijenjene činjenice da je Komisija za nabavku pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz tenderske dokumentacije.

S obzirom da je ponuda ponuđača „MIBO KOMUNIKACIJE“ d.o.o. Sarajevo u iznosu 82.000,00 KM bez PDV-a, prema kriteriju za izbor ponude (najniža cijena) ocijenjena prihvatljivom, te da ispunjava sve uslove i zahtjeve predviđene otvorenim postupkom javne nabavke, sa navedenim ponuđačem će se zaključiti Okvirni sporazum na period od 24 mjeseca.

Imajući u vidu sve prethodno navedeno, primjenom člana 64. stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14, 59/22 i 50/24), odlučeno je kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.

Dostaviti:  
- Učesniku u postupku.

Predsjednik Uprave  
**Borislav Trlin**  
Sarajevo

